

**УВС АЙМАГ  
ИРГЭДИЙН ТӨЛӨӨЛӨГЧДИЙН ХУРЛЫН ДЭРГЭДЭХ  
ИРГЭНИЙ ЗӨВЛӨЛ**

---

2018 оны 01 сарын 16ны (ий) өдөр

Дугаар 22

Улаангом хот

**АЙМГИЙН ЦАГДААГИЙН ГАЗАРТ**

Аймгийн Цагдаагийн газрын 2017 оны ажлын тайлан сонсоод өгсөн

**ЗӨВЛӨМЖ**

Цагдаагийн байгууллагын 2017 оны төсвийн зарцуулалтын үйл ажиллагаа хууль , тогтоомжийн дагуу хэвийн явагдаж ирсэн байна.

Аймгийн цагдаагийн байгууллага санхүүгийн үйл ажиллагаанд Монгол Улсын төсвийн тухай хууль, Засгийн газрын 2014 оны 147 дугаар тогтоол , Төрийн сангийн заавар журмыг мөрдөн ажиллаж, нягтлан бодох бүртгэл болон анхан шатны баримтын бүрдлийг хангаж, бүртгэлийг стандартын дагуу хөтөлж, сар , улирлын тайланг хуулийн хугацаанд нь гаргаж, өр авлагын үлдэгдлийг тооцоо нийлсэн актаар баталгаажуулж ажилласан байна.

Шилэн дансны тухай хуулийн хэрэгжилтийг хангах ажлын хүрээнд шилэн дансны нэгдсэн системд холбогдох мэдээллүүдийг сар бүр хуулийн хугацаанд оруулан ажиллаж улирал бүр тайлан илгээж байгаа ба шилэн дансны хуулийн хэрэгжилттэй холбоотой ЦЕГ-ын дарга болон ДХАБГ-ын ХШУДАХ- ээс ирүүлсэн ажлын чиглэл , зөвлөмжийг хэрэгжүүлэн ажилласан байна.

2017 онд цагдаагийн байгууллага алба хаагчдын үйл ажиллагаанд ШУ-ны ололт , орчин үеийн шинэ техник, технологи, мэдээллийн сүлжээ нэвтрүүлэхэд анхаарч ажилласан байна. Тухайлбал 2017 онд "Cat-S40" торгуулийн машин " Woosim" брэндийн " WSP- R240" торгуулийн хуудас хэвлэгч болон 2 ширхэг согтуурал хэмжигч багаж авч үйл ажиллагаанд ашигласан байна.

Тус цагдаагийн газар нь 2017 онд иргэд, аж ахуйн нэгж байгууллагаас гэмт хэрэг, зөрчлийн шинжтэй 2443 гомдол мэдээлэл хүлээн авч шалгаснаас 724 буюу 29,6 хувь нь гэмт хэргийн шинжтэй , 1719 нь буюу 70,4 хувь нь зөрчлийн шинжтэй гомдол мэдээлэл эзэлж байна.

Иргэд , аж ахуйн нэгж байгууллага бүрээс ирүүлсэн гомдол мэдээлэл бүрийг бүртгэж цагдаагийн байгууллагын мэдээллийн нэгдсэн санд оруулж , шийдвэрлэлтэд нь холбогдох тасгийн дарга нар өдөр бүр хяналт тавьж ажилласны үр дүнд нийт гэмт хэрэг , зөрчлийн шинжтэй гомдол мэдээллийн 99,3 хувийг хуулинд заасан хугацаанд нь шийдвэрлэж ажилласан байна.

2017 онд цагдаагийн алба хаагчийн мэргэшил, ур чадварыг дээшлүүлэх сургалтыг тотмол хийж алба хаагчдын мэргэшил, ур чадварыг зохих хэмжээгээр дээшлүүлсэн байна.

Олон нийтэд түшиглэсэн цагдаагийн үйл ажиллагааны бодлогын хүрээнд цагдаагийн газраас цагдаагийн байгууллагын ажил үйлчилгээг иргэд олон нийтэд түшиглэсэн ил тод шуурхай, чанартай хүргэх, иргэдийн санал хүсэлтийг хүлээн авах зорилгоор "Нээлттэй хаалганы өдөр" арга хэмжээг тогтмол зохион байгуулж хууль сурталчлах, гэмт хэргээс урьдчилан сэргийлэх чиглэлээр хэрэгжүүлсэн ажлаа иргэд олон нийтэд сурталчлан таниулах ажлыг зохион байгуулж ажилласан байна.

Тус байгууллага нь төр, олон нийтийн байгууллагатай хамтран аймгийн хэмжээнд гэмт хэрэг, зөрчлөөс урьдчилан сэргийлэх, илрүүлэх, таслан зогсоох, нийтийн хэв журам сахиулж, иргэдийн амар тайван амьдрах, ажиллах нөхцлийг бүрдүүлэх зорилгоор олон төрлийн ажил, арга хэмжээ зохион байгуулж зохих үр дүнд хүрсэн байна.

Аймгийн цагдаагийн байгууллага, алба хаагчдаас гэмт хэргээс урьдчилан сэргийлэх, таслан зогсоох талаар олон талт арга хэмжээ авч ажиллаж байгаа боловч зарим төрлийн гэмт хэрэг сүүлийн жилүүдэд өсөх хандлагатай байна.

Тухайлбал согтуугаар үйлдэгдсэн гэмт хэрэг 8 нэгжээр, гэр орон сууц 24 нэгжээр гудамж талбайд үйлдэгдсэн гэмт хэрэг 3 нэгжээр, гэр бүлийн хүчирхийллийн улмаас үйлдэгдсэн гэмт хэрэг 14 нэгжээр тус тус өссөн байна.

Архидан согтуурч зөрчил гаргасны улмаас 2016 онд 768 хүн saatuuлагдсан бол 2017 онд 972 хүн saatuuлагдаж 204 хүнээр буюу 26,5 хувиар, 2016 онд 38 хүн захиргааны журмаар баривчлагдсан бол 2017 онд 195 хүн баривчлагдаж 157 хүнээр буюу 5,1 дахин өссөн байна.

Тус цагдаагийн газрын алба хаагчдаас 2017 онд 14 офицер, 4 ахлагч, нийт 18 алба хаагч иргэдийн эрх чөлөөнд халдах, иргэдээс ирүүлсэн гомдол мэдээллийг дарагдуулах, иргэдээс шан харамж авах зэрэг зөрчил гаргаж сахилгын арга хэмжээ авагдсан байна. Эдгээр зөрчил гаргаж арга хэмжээ авагдсан алба хаагчдын 66,6 хувь нь эрүүгийн цагдаагийн тасгийн алба хаагчид байгаад анхаарч ажиллах хэрэгтэй.

Аймгийн цагдаагийн газрын 2017 оны жилийн ажлын тайланг аймгийн ИТХ-ын дэргэдэх Иргэний зөвлөлийн хурлаар хэлэлцээд доорхи зөвлөмжийг өгч байна.

Үүнд :

1. Тус аймагт буурахгүй байгаа гэмт хэрэг зөрчлийн шалтгаан, нөхцөл байдалд ул суурьтай нарийвчилсан судалгаа хийж, үнэлэлт дүгнэлт өгч цаашид яаж бууруулах, арилгах арга хэмжээг тодорхой төлөвлөж ажиллах.


2. Захиргааны зөрчил буурахгүй нэмэгдэх хандлагатай байгаад дүгнэлт хийж Зөрчлийн тухай хууль, тогтоомжийг ард иргэдэд хүргэж сурталчлах, энэ ажилд орон нутгийн хэвлэл, мэдээллийн хэрэгслүүдтэй байнга хамтарч ажиллах.

3. Согтуугаар үйлдэгдсэн гэмт хэргийн тоо буурахгүй өсөх хандлагатай байгаад анхаарч архи согтууруулах ундаа худалдах, түүгээр үйлчлах тусгай зөвшөөрөл бүхий аж ахуйн нэгжийн үйл ажиллагаанд тавих хяналтыг

сайжруулахын дээр , аттестатчлах, тоог нь цөөрүүлэх асуудлыг холбогдох байгууллагуудад тавьж шийдвэрлүүлэх.

4.Иргэдийн өмчийн эсрэг хулгайн гэмт хэрэг өсөх хандлагатай байгаа тул энэ төрлийн гэмт хэргээс урьдчилан сэргийлэх ажлын үр нөлөөг дээшлүүлж ажиллах.

5..Цагдаагийн алба хаагчийн сахилга , ёс зүйн зөрчил гаргахад нөлөөлсөн шалтгаан нөхцлүүдийг арилгаж, алба хаагчдаас сахилга, ёс зүйн болон харилцааны зөрчил гаргахгүй байхад онцгой анхаарч сахилга ёс зүйн зөвлөгөөнийг улирал бүр хийж тодорхой төрлийн ажил, арга хэмжээг зохион байгуулах.

ДАРГА  Н. ГЭЖЭЭ

Олонхиан